

Kalenjin - Osotichu Sirutik - Wives Scriptures

Epesoek 5:22-24 Osotichu, ogas it manong'otaikwok, ko u ye ogase it Kiptaiyat. 23 Amu manong'otiot ko metitab osotiot, ko u Kristo agine ne metitab kaniset, inendet yetindetab borto. 24 Ago ko u ye kase it kaniset Kristo, ko u noto agichek osotik eng' manong'otaikwak eng' kiy age tugul.

Epesoek 5:31,33 Amu ng'olyondoni, kobagaktoi chi kwandanyi ak karnet, ak konamgei ak osotiondennyi; ak koek icheget tuwai borto agenge. Ago ingocham chi age tugul osotiondennyi, ko u ole chandoge; ak ingogonyit osotiot manong'otiondennyi.

1 Korintoek 7:3-5 Ingogochi manong'otiot osotiondennyi ko u ye nyoljin: ak ko u noto agine osotiot eng' manong'otiot. 4 Matinyei osotiot inegei kamugo eng' bortanyi, ago manong'otiot: ak ko u noto agine manong'otiot, matinyei kamugo eng' bortanyi, ago osotiot. 5 Amoetege okwege, kobate ye kochamnyechi eng' betusiek alak, si onyoru boroindo ne bo saet, si otuiyege kogeny, si mayomak Setani amu motinye ribetab ge.

1 Korintoek 7:34 Ak mi terjinet agine eng' osotiot ak bergeiyat. Inendet ne ma kitun kochirjirenjin tugukab Kiptaiyat, si koek ne tilil eng' borto ak eng' tamirmiriet: ago inendet ne kigitun kochirjirenjin tugukab ng'ony, ole imuchi kobaibaita manong'o-tiondennyi.

Kolosaik 3:18 Osotichu, ogas it manong'otaikwok, ko u ye nyolu eng' Kiptaiyat.

1 Timoteo 2:11-15 Ingonetgei kobogoriot eng' mutyonet koboto kasetab it. 12 Ago macha-mjini kobogoriot konetis, anan kobo muren, ago kotebi eng' mutyonet. 13 Amu kigiyai Adam korok, si keyaei Awa; 14 ak kima king'al Adam, ago kingo kageng'al kobogoriot kobutyi bistoet; 15 ago kisoru eng' sigisiet, ngo tebyei ichek eng' kaya-net ak chamnyet ak katabanet koboto ribetab ge.

Taunet 3:16 Kolenji kwondn anyun, Atesun mising' nyalildang'ung' eng' manageng'ung'; isiche lagok eng' ng'wonindo; ak inyali manong'otiondeng'ung' eng' mageng'ung', ak koboun.

1 Petero 3:1-6 U noto, osotichu, ogas it manong'otaikwok; si nganda magase it alak ng'olyot, kimuch kichuut ichek eng' atebet ne mie ne bo osotikwak ama eng' ng'olyot, 2 ye keerei ate-beng'wong' ne tilil

ne boto kaiyweisiet. 3 Amaek lelestanywa leesta ne bo sang', ne bo laetab sumeek, ak kalaagetab karikab tahabu ak kalaagetab ngoroik; 4 ago ingoek chito ne ung'at ne bo muguleldo, eng' leesta ne ma ng'emaksei ne bo tamirmiriet, ne tala ak kosisei, ne eng' taitab Jehovah ko bo kamanutiet ne o. 5 Amu kiyaei leesta ko u noto agichek kwonyik che tililen chu ki bo keny, che kiimang'u Jehovah, ak kogase it manong'otai-kwak: 6 ko u ye kigase it Sara Abraham, koguure inendet kiptaiyat: o lagokyik, ngot oyae ne mie, amoiywei kamuiset age tugul.

Tito 2:1-5 Ago ng'alal inye agobo ng'alek che nyoljin konetisiet ne bo iman: 2 si koripgei boisiek che kagoegitu, koek che bo teegisto, che bou kabwatutikwak, che bo iman eng' kyanet, eng' chamnyet, eng' muitaet: 3 ko u noto chebiosok che kagoee-gitu, ingoek che teegot eng' atebosiekwak, che ma kataamik, anan che rategei eng' divaik che chang', konetik che bo tuguk che miach; 4 si kobiit konet osotik che mengechen kocham manong'otaikwak, kocham lagokwak, 5 koek che bou kabwatuti-kwak, che tililen, che boisiei eng' gorikwak, che taloen, che kase it manong'otaikwak, si ma kimwaitae ng'olyotab Jehovah kiy ne ya:

1 Korintoek 11:5-7,10 Ago kobogoriot age tugul ne saei anan koamdoi logoiywek ko yatat metit, ko kagotewer metinnyi: amu kagergeit ak chi ne inemunot met. 6 Amu ngo ma tugot metitab kobo-goriot, ko ingetilji agine sumeek: ago ngo kalilano eng' kobo-gorio ketilji sumeek anan kinem, ko ingotuch metinnyi. 7 Ma-nyoljin iman muren koger metit, amu inendet ko kergeindo ak toromatetab Jehovah: ago kobogoriot ko toromatetab muren. 10 amu nito anyun konyoljin kobogorio kotinyei kaborunet ne bo bounatet eng' metinnyi, anm malaikaisiek.

Kalewwnaik 12:4; 14:1; 19:13; 21:9,19; 25:24; & 27:15,16 - contentious & angry Osotichu

Kalewwnaik 31:10-31 - The Virtuous Osotichu